

**Broj: T06 0 KT RZ 0017093 15**  
**Travnik, 03.01.2018.godine**

**KANTONALNOM SUDU U NOVOM TRAVNIKU**

**- Sudiji za prethodno saslušanje -**  
**NOVI TRAVNIK**

Na osnovu člana 45. stav 2. tačka i) i člana 241.stav 1. Zakona o krivičnom postupku Federacije Bosne i Hercegovine, podižem:

**OPTUŽNICU**

**PROTIV: JOZO FRANKOVIĆ, zvani Brico rođen 1960. godine u Kiseljaku.**

**ŠTO JE :** Tokom rata u Bosni i Hercegovini i u vrijeme oružanog sukoba između pripadnika ARBIH i HVO kao pripadnik HVO I bojne brigade Ban Josip Jelačić VP 1751 Kiseljak, u mjestu Višnjica, Kiseljak, zajedno sa drugim nepoznatim pripadnicima HVO, postupao suprotno odredbama međunarodnog humanitarnog prava i to člana 3. stav 1, tačka a) i c) Ženevske konvencije o postupanju sa ratnim zarobljenicima od 12.08.1949.godine, koja zabranjuje nasilje nad životom, zdravljem ili fizičkim ili mentalnim blagostanjem ljudi, naročito ubistva, mučenja i nečovječna postupanja, tako što je:

Dana 20.04.1993. godine u popodnevним satima u mjestu Višnjica, općina Kiseljak, Jozo Franković zvani Brico zajedno sa drugim nepoznatim pripadnicima HVO, nakon što su u dvorište kuće A. P. gdje su bili postrojeni zarobljeni civili bošnjačke nacionalnosti, bili dovedeni i pripadnici ARBIH koji su se predali pripadnicima HVO, među kojima je bio i S. B., Jozo Franković zvani Brico je prišao S. B. i krenuo da ga fizički tuče rukama i nogama po cijelom tijelu, nakon čega se pridružuju i ostali pripadnici HVO, da bi S. B. od zadobijenih povreda pao na zemlju nekoliko puta, a u jednom momentu isti se uspio otrgnuti i pokušao pobjeći od navedenih, da bi odmah potom Jozo Franković zvani Brico zajedno sa drugim nepoznatim pripadnicima HVO u istog pucao iz automatskih pušaka rafalno sa namjerom da liše života S. B., koji je od ispaljenih metaka bio pogođen i na licu mjesta podlegao.

**Dakle,**

kršeći pravila međunarodnog humanitarnog prava za vrijeme rata i oružanog sukoba, nečovječno postupao i počinio ubistvo ratnog zarobljenika

**ČIME JE UČINIO** krivično djelo Ratni zločin protiv ratnih zarobljenika iz člana 144. stav 1. preuzetog KZ SFRJ u vezi sa članom 22. istog zakona.

**KANTONALNI TUŽILAC**